



Заңғар жазушының еңбегі ұлықталды

Қазақ әдебиетінің классигі Мұхтар Әуезовтің туғанына 125 жыл толуына орай «Әуезовтің рухани әлемі» тақырыбында ғылыми – тәжірибелік конференция өтті.

Шараның ашылу салтанатында қалалық білім бөлімінің басшысы Есламбек ЖЕҢІСҰЛЫ сөз алып, біртуар бабамыздың шығармашылығын, еңбек жолын насихаттауға арналған конференцияның маңыздылығына тоқталды.

Заңғар жазушының әлемдік

өркениет пен адамзат ақыл – ойы тарихындағы орыны мен рөлін айқындау, қазақ әдебиетінің даму үрдістерінің тарихын және бүгінін саралау, қаламгер мұрасындағы жалпы адамзаттық құндылықтарға негізделген озық идеяларын насихаттау мақсатындағы шара қаламгердің атындағы Мұхтар Әуезов атындағы №5 мектепте өтті. Конференцияның пленарлық отырысында: «Мұхтар Әуезов прозасындағы заман сипаты», «Жаңартылған білім беру мазмұны бойынша Әуезовтің педагогикалық көзқарастарының өзектілігі», «Біз таныған Әуезов әлемі», «Мұхтар Әуезов – тағылымы мол тарихи

тұлға» тақырыбында баяндамалар тыңдалып, «Мұхтар Әуезов – кино әлемінде» қойылымы көрсетіліп, «Мұхтардың өзі де үлгі, өмірі де» аталған қаламгер атындағы мұражайдың ашылу салтанаты өтті. Ал, Секциялық жұмыс барысында коучинг, шеберлік сағаттары, концерттік бағдарламалар ұйымдастырылды.

Дарынды қаламгер, қоғам қайраткері, филология ғылымының докторы, профессор, Қазақ КСР ҒАНЫҢ академигі, Қазақ КСР – нің еңбек сіңірген ғылым қайраткері, артына өшпес мұра қалдырған Мұхтар Омарханұлының есімі мәңгі ұрпақ жадында сақталады.